



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IZMJENAMA ODLUKE O USLOVIMA I NAČINU DODJELE
„ŠESTOAPRILSKE NAGRADE GRADA SARAJEVA“
(prijedlog)

Predlagač: Komisija za izbor imenovanja
Obrađivač: Stručna služba za poslove
Gradskog vijeća

Sarajevo, novembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj dana __. __. 2022. godine, donijelo je

(prijedlog)

**ODLUKU
O IZMJENAMA ODLUKE O USLOVIMA I NAČINU DODJELE „ŠESTOAPRILSKE
NAGRADE GRADA SARAJEVA“**

**Član 1.
(Predmet Odluke)**

Ovom odlukom vrše se izmjene Odluke o uslovima i načinu dodjele „Šestoaprilске nagrade Grada Sarajeva“ („Službene novine Kantona Sarajevo“, broj 41/22) (u daljem tekstu: Odluke).

**Član 2.
(Izmjena kriterija za izuzeće)**

U Članu 7. stav (1) Odluke briše se tekst „i njihovim srođnicima“, a stav (2) člana 7. se briše u potpunosti.

**Član 3.
(Izmjene broja i vrste Nagrade)**

Član 10. stav (1) Odluke se mijenja i glasi: „U jednoj godini se mogu dodijeliti najviše dvije nagrade i to jedna pojedinačna i jedna kolektivna nagrada, osim u slučaju iz člana 17. stav (6) ove odluke.

**Član 4.
(Postupak pred Odborom i Gradskim vijećem)**

Član 17. Odluke se mijenja i glasi:

**„Član 17.
(Postupak pred Odborom i Gradskim vijećem)**

- (1) U prvom krugu se članovi Odbora glasanjem određuju o blagovremenosti svakog od pristiglih prijedloga; zatim se glasanjem određuju o potpunosti blagovremeno pristiglih prijedloga; a zatim se glasanjem određuju o tome je li oblast koja je istaknuta u prijedlogu, oblast u kojoj je predloženi kandidat postignutim rezultatima dao najveći doprinos ukupnom razvoju Sarajeva ili njegovoj promociji, a ako se glasanjem utvrdi da to nije oblast iz prijedloga, članovi Odbora predlažu drugu oblast i o tome se Odbor izjašnjava.
- (2) Rezultat prvog kruga glasanja je spisak kandidata za koje su blagovremeno dostavljeni potpuni prijedlozi, raspoređenih po oblastima i to posebno za pojedinačnu, a posebno za kolektivnu nagradu, čiji doprinos članovi Odbora cijene u drugom krugu glasanja.
- (3) U drugom krugu glasanja Odbor primjenjuje način bodovanja preciznije utvrđen Poslovníkom o radu Odbora, tako da konačan rezultat rada Odbora bude prijedlog po dva (2) prvorangirana kandidata koji se upućuje Gradskom vijeću na konačno

- odlučivanje, posebno za pojedinačnu, a posebno za kolektivnu nagradu, ako je bilo dva ili više prijedloga, u suprotnom jednog kandidata, ako je jedan kandidat dobio podršku većine ukupnog broja izabranih članova Odbora.
- (4) Gradsko vijeće donosi konačnu odluku javnim glasanjem na sjednici Gradskog vijeća zatvorenoj za javnost.
 - (5) Dobitnik pojedinačne, odnosno kolektivne Nagrade je onaj kandidat koji dobije većinu glasova ukupnog broja izabranih gradskih vijećnika i veći broj glasova od drugog kandidata.
 - (6) Dobitnici nagrade su oba predložena kandidata, ako dobiju većinu glasova ukupnog broja izabranih gradskih vijećnika i jednak broj glasova.
 - (7) Nagrada se ne dodjeljuje u slučaju da niti jedan od dva predložena kandidata ne dobije većinu glasova ukupnog broja izabranih gradskih vijećnika.

Član 5.

(Važenje osnovnog teksta Odluke)

U ostalom dijelu Odluka o uslovima i načinu dodjele „Šestoaprijske nagrade Grada Sarajeva“ („Službene novine Kantona Sarajevo“, broj 41/22), ostaje neizmijenjena.

Član 6.

(Stupanje na snagu)

Ova odluka stupa na snagu narednog dana od dana objave u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće u okviru svojih nadležnosti donosi odluke, druge propise i opće akte i daje njihovo tumačenje.

RAZLOZI DONOŠENJA

Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 41/22) koja je donesena na 19. sjednici Gradskog vijeća Grada Sarajeva uređen je postupak i način dodjele Nagrade, organ koji provodi postupak po raspisanom Javnom pozivu i utvrđuje prijedlog dobitnika Nagrade, oblik i izgled Nagrade, i druga slična pitanja vezana za postupak, uslove i načine dodjele Nagrade.

Međutim, u postupku pripreme za provođenje ovog novog gradskog propisa, uočena su određena rješenja koja pri primjeni rezultiraju kolizijom, te zbog njih odluka ne bi bila provodiva, odnosno traži se dostava dokumentacije kakvu odlukom ovlašteni predlagači, ne mogu imati za određene kandidate.

Obzirom da se radi o tradicionalnoj, najcjenjenijoj i najvišoj nagradi Grada Sarajeva, Komisija za izbor i imenovanja je stava da kriteriji ipak trebaju biti postavljeni nešto šire nego li je to npr. za predlaganje kandidata za izbor za posao ili neku od izvršnih funkcija, a da je Odbor za dodjelu Nagrade tijelo sastavljeno od članova, istaknutih javnih djelatnika, sa razvijenim kriterijima za razmatranje prijedloga i utvrđivanje kandidata za dodjelu Nagrade.

PREDLOŽENA RJEŠENJA

U Članu 1. (Predmet Odluke) se utvrđuje propis koji se mijenja predloženom odlukom - Odluka o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 41/22).

U Članu 2. (Izmjena kriterija za izuzeće) predlaže se izostavljanje srodnika izabranih zvaničnika kao kategorije kojoj se nagrada ne može dodijeliti jer predlagači dokaze o tome da predloženi kandidat nema srodnike među npr. općinskim vijećnicima, ne može dostaviti, a Odbor to ne može cijeniti. Također predlaže se potpuno izostavljanje stava 2, jer ovlašteni predlagač na može tražiti od suda potvrdu o tome da se o predloženom kandidatu ne vodi krivični postupak, kao ni kandidatima koji su osuđeni pravosnažnom odlukom nadležnog suda, pa ni Odbor to ne može cijeniti. Također, ne očekuje se da dobitnik nije nikada bio odlukom suda kažnjen za npr. za prekršaj pri parkiranju vozila isl...

U Članu 3. (Izmjene broja i vrste Nagrade) predlaže se da se u članu 10. (Ograničenja) stav (1) mijenja i glasi: „U jednoj godini se mogu dodijeliti najviše dvije nagrade i to jedna pojedinačna i jedna kolektivna nagrada, osim u slučaju iz člana 17. stav 4. ove odluke, ovim se omogućava Odboru da Gradskom vijeću predloži po dva prvorangirana kandidata na konačno odlučivanje, posebno za pojedinačnu, a posebno za kolektivnu nagradu. Ovim se omogućava Gradskom vijeću javno glasanje o svakom od prijedloga. Rezultati javnog glasanja se uspoređuju posebno za kandidate za pojedinačnu, a posebno za kolektivnu nagradu. Kandidat koji dobije veći broj, a najmanje većinu glasova izabranih gradskih vijećnika je dobitnik Nagrade.“

U članu 17. stav 4. se ostavlja mogućnost da dobitnici Nagrade budu oba kandidata za pojedinačnu, odnosno kolektivnu nagradu, ukoliko rezultata javnog glasanja Gradskog vijeća bude jednak, tj. ako oba kandidata dobiju jednak broj, a najmanje većinu glasova izabranih gradskih vijećnika. Također, ovakvim rješenjem je previđena mogućnost da niti jedan od kandidata ne dobije većinu glasova izabranih gradskih vijećnika, pa se tada Nagrada ne dodjeljuje u toj godini, bilo da se radi o pojedinačnoj ili kolektivnoj nagradi.

U članu 5. se utvrđuje da ostali dio osnovne odluke ostaje nepromijenjen, a **u članu 6.** se uređuje objava odluke u Službenim novinama Kantona Sarajevo i stupanje na snagu.

FINANSIJSKA SREDSTVA

Za realizaciju Odluke nisu potrebna dodatna finansijska sredstva u Budžetu Grada Sarajeva.